

Koot ens fott

Musik & Text Björn Heuser / Verlag: Dabbelju Music

„Ich bin koot ens fott“, un du wors fass am schlofe,
ich sag, nur flöck an et Būdche, Zirette kaufe
Jo un do kom ich öm de Eck, un ich han et fas jeschaff,
do trock der Būdchenmann vun inne dat Rollo raf.
OK, han ich jedach, ich jonn de Stroß erop
Irjendwo hätt irjendwat janz secher noch op
Un do wor se, laach mich an, als hätt se op mich jewaas:
Ming Stammkneip un die hätt och ne Zijaretteautomat

Schatz, mach dir kein Sorje, denn do weiß jo zom Jlöck
Wann et aff und zo ens spät weed, ich kumm immer zoröck
Süht et manchmol och su us, dat ich för iwig bliev
„Koot ens fott“, Schatz, do weiß doch, dat es bei mir relativ!
Jalalailalala, jalalailalala, jalalailalala la la la la

Nur 2, 3 Bierche, wirklich, han ich mir bestallt,
un dann wooten och schon de Stöhl op de Desch jestallt.
Nur an ming Zijarette, do hat ich nit dran jedach,
ävver der Taximann säht: Flughafen, die han op de janze Naach

Dat hatten se nit, ävver de DomRep em Anjebot als Ziel,
19 Euro nur, und de Zijarette koste do och nit vill!
Un als ich do jelandet bin, hätt et Sönncher su jebrannt,
do daach ich mir, bes zom Rückflug läg ich mich jet an der Strand!